

Ungasianiit ammaasarneq ungasianiillu matusisarneq

Nukissiorfiit innaallagissap sarfaanut uttuutai nutaat ungasianiit atuarneqarsinnaasut atuutilernerisigut uttuutit Nukissiorfiit qitiusumik allaffianiit attaveqarfigineqarsinnaalerput. Imaappoq Nukissiorfiit qitiusumik allaffianiit uttuutit ulluinnarni atuarneqarsinnaalerput kiisalu uttuutit ammarneqarsinnaalerlutillu matuneqarsinnaalerput, inuk uttuummot ornigulluni atuaajartortarunnaarsillugu. Akiligassat allagartaat allakkallu nukingisaarutit pisarnermisut suli nassiunneqartassapput.

Uttuut


Uttuut nalinginnaasumik ingerlagaangat uttuutip qullia sungaartoq aappaluaartumik ikeqattaartarpoq. Qulleq sukkanerusumik ikeqattaaraangat sarfaq annertuneru-soq atorneqartarpoq.

Matuneqarneq

Akiliisimanginneq namminerluunniit piumassutsimik qamitaaneq pissutigalugu uttuut matuneqarpat uttuutip qullia aappaluttumik ikumaneqassaaq. Tamanna ima paasineqassaaq, tassa uttuut matuneqartoq. Uttuutip qullia aappaluttumik ikumaneqarpat uttuut ammarneqarsinnaanngilaq.

Ammaqpinneqarneq

Uttuut ammaqpinneqassappat uttuutip qullia qorsummik ikumaneqassaaq. Tamanna ima paasineqassaaq uttuut ammaqpinneqarnissaminut piareertoq. Tamatuma kingorna illit nammineerlutit atuisutut uttuut ammaqquissavat. Imatut ammaqpittoqartarpoq igalaavaqqap ataaniittoq toortagaq 8-10 sekundini toorsimaannarneqassaaq. Toortagaq sumiinneru-soq assimi takutinneqarpoq. Sekundit 8-10 qaangiupata uttuut seqquallalaassaaq, tassa uttuut ammarneqarpoq sarfaqaqqilerlunilu.



Uttuutaasivik

Uttuut skaavimmi parnaarunneqarsimappat matuersaat arfinilinnik teqeqqulik najukkanni Nukissiorfimmi pissarsiarisinaavat. Akerlianilli skaaviup uttuuteqarfiup tunuani uttuut matuersaat eqqortoq atorlugu parnaarunneqarsimappat inissiamik attartorfigisat attaveqarfigissavat.

Annerusumik paasisaqarusukkuut kiffartuussivik attavigiuk oqarasuaat 349500.

Inussiarnersumik inuulluaqqusilluta

Nukissiorfiit